

**REAKCIJE** Strani političari o osnivanju Radončićeve stranke

# Pak: Šansa za novu generaciju

U ovom momentu BiH traži alternativu dosadašnjim opcijama i to je nova mogućnost, smatra Kacin • Basiner želi vidjeti kako se ideje razvijaju



Radončić: Pažnja ekonomiji



Pak: Protresanje situacije



Kacin: Odluka najaktivnijih



Basiner: Politička klima

Članica Evropskog parlamenta Doris Pak (Pack), komentirajući odluku utemeljitelja „Avaza“ Fahrudina Radončića da uđe u politiku i osnuje političku stranku, kaže da je dobro da se u BiH osniva nova stranka.

## Stvarna ideja

- Moguće je da će se nova generacija pridružiti toj stranci, a da to nisu isti stari ljudi s političke scene BiH. Možda će protresti situaciju i ne mislim da je to loše. Mogao bi privući ljude koji mogu raditi u stranci i koji nisu toliko vezani uz nacionalističke ideje - kaže Pak.

Ona je izrazila nadu, kako je rekla, da će „ideja BiH u toj stranci biti stvarna“.

- Ne mogu još presuditi, jer ne znam kako će raditi. Znam ko je njen osnivač i ne znam ko će joj se pridružiti. Ako je to gospodin Adnan Terzić, mislim da je on uradio mnogo dobrih stvari kao premijer i mogao bi to nastaviti i u novoj stranci. Nova stranka, u situaciji kada stare optužuju i potkopavaju jedna drugu, može čak natjerati postojeće partije da se reformiraju - naglašava Pak.

Slovenski političar i evropski zastupnik Jelko Kacin ističe da svi građani imaju pasivno i aktivno biračko pravo.

- Najaktivniji se odlučuju za formiranje političke partije, jer na taj način žele dobiti širu po-

dršku za svoje političke poglede. U ovom momentu, BiH traži alternativu dosadašnjim političkim opcijama i to je nova mogućnost. Kako će ljudi reagirati, pokazat će vrijeme. Sada u BiH postoji glad za političkim partijama s alternativnim programima. Ljudi su zasićeni sadašnjim političarima i traže ljude koji bi mogli ostvariti proboj - kaže Kacin.

## Otvoreno pitanje

Američki politički analitičar iz Centra za demokratizaciju Kurt Basiner (Bassuener) navodi da još nema potpuno jasan stav o formiranju nove stranke.

- Na osnovu onoga što sam vidio u medijskim istupima, rekao bih da je to za mene još otvoreno pitanje. Kad god ulaze novi ljudi u političku arenu, pitate se šta time žele, šta žele postići. Mnogo toga još mi nije jasno. Radončić je veoma jasno rekao da se vidi kao bošnjačkog političkog lidera - kaže Basiner.

On ističe da će sačekati i vidjeti „kako se ideje razvijaju“.

- Vidim da mu je ekonomija u fokusu. Znatiželjan sam da vidim kako će u sadašnjoj političkoj klimi od BiH napraviti najveće gradilište, kako je rekao - navodi Basiner.

T. LAZOVIĆ

## Strani mediji

Vijest o tome da Radončić osniva stranku jučer su prenijeli regionalni i strani mediji, među kojima i AFP. Ova francuska agencija navela je i osnovna načela novog političkog projekta u BiH te istakla da je Radončić vlasnik najtiražnijeg lista u BiH i graditelj najvišeg tornja u Sarajevu.



Faksimil AFP-ove vijesti

Misija će trajati šest mjeseci

## Bh. oficiri otputovali u Afganistan

Pripadnici Oružanih snaga BiH bit će raspoređeni u okviru njemačkog kontingenta

Grupa od osam oficira Oružanih snaga (OS) BiH prekjucer je, u skladu s ranijom odlukom Predsjedništva BiH, iz naše zemlje otputovala u misiju snaga međunarodne sigurnosne pomoći (ISAF) u Afganistanu.

- Završena je misija dva oficira koja su provela šest mjeseci u Afganistanu. Oni su bili smješteni u okviru danskog kontingenta u ovoj zemlji. Tokom jučerašnjeg (četvrtak, op. a.) dana upućeno je osam oficira koji će biti raspoređeni u okviru njemačkog konti-

ngenta Oružanih snaga Njemačke u zoni Regionalne komande Sjever - kazao je jučer za „Avaz“ iz Budve generalpukovnik Miladin Milojević, načelnik Zajedničkog štaba OSBiH.

Iako do jučer poslije podne naši oficiri nisu doputovali u Afganistan, Milojević nam je rekao da se sve odvija prema planu, a da se zbog sigurnosti oficira detalji ne mogu objavljivati. Oni će u Afganistanu ostati šest mjeseci.

- U svakom slučaju, procijenit ćemo naše daljnje angažovanje i ono



Bh. oficiri: Bili na obuci u Njemačkoj

će biti u skladu s odlukama najviših organa vlasti u BiH - zaključio je generalpukovnik Milojević.

Bh. oficiri prethodno su završili obuku „Operacije podrške miru“, koja je realizirana u Centru za obuku u Grafenvoru u Njemačkoj.

S. R.



S jučerašnje sjednice: Podrška budžetu FBiH

(Foto: A. Dučić)

Sjednica Vlade Federacije BiH

## Prihvaćena ponuda za novi kredit od 185 miliona eura

Javni prihodi smanjeni za čak 208,8 miliona KM

Federalna vlada jučer je na sjednici u Mostaru prihvatila informaciju o razvojnom kreditu Svjetske banke za podršku budžetu FBiH, kojim bi u naredne tri godine bilo osigurano 185 miliona eura uz određene reforme u socijalnom, boračkom, zdravstv-

bivših republika SFRJ, jer je Uredba u suprotnosti s Međunarodnim sporazumom o pitanjima sukcesije.

Uplatom poreza, taksi, doprinosa, naknada i ostalih javnih prihoda za prvih sedam mjeseci prikupljeno je tri milijarde i 364 miliona KM, što je za šest posto ili 208,8 miliona

## Sumnja u sudsku odluku

Povodom sudske odluke u vezi s plaćama državnih službenika i namještenika u FBiH, kojom je Vlada obavezana da isplati neu-

manjene plaće za juli, izvršna vlast izrazila je sumnju u tu odluku, uz obrazloženje da je „riječ o akontativnim isplata plaća“.

enom i fiskalnom sistemu.

Da bi dobila taj novac, FBiH mora uspostaviti integrirane baze podataka za raspodjelu svih socijalnih naknada na svim nivoima vlasti i efikasniji sistem u oblasti doprinosa za zdravstvo, saopćeno je iz Vlade FBiH.

Od Ministarstva vanjskih poslova BiH bit će zatraženo da uputi diplomatsku notu Srbiji da Vlada te zemlje bezuvjetno i po hitnom postupku stavi van snage Uredbu o izmjeni i dopuni Uredbe o zaštiti imovine i dijelova preduzeća iz

maraka manje nego u istom periodu 2008.

Porezni prihodi manji su za 11 posto, dok neporezni bilježe povećanje za čak 32 posto. Inače, ukupni rashodi budžeta FBiH za prvih sedam mjeseci ove godine iznose 711,7 miliona KM i za 11 posto su manji nego u istom razdoblju lani.

Agenciji za državnu službu FBiH data je saglasnost da u zgradi „Hidrogradnje“ u Sarajevu zakupi 353 kvadrata poslovnog prostora po cijeni od 19 KM po kvadratnom metru.

Ad. H.

Nova provjera kandidata za ministra sigurnosti

## Ahmetović: Nekome smeta to što sam iz Srebrenice!

Već početkom naredne sedmice znat ćemo imamo li osnova da otvorimo postupak, kaže Branko Petrić

Imam osjećaj da nekome smeta to što sam iz Srebrenice! Ovo je jučerašnja reakcija kandidata SDA za državnog ministra sigurnosti Sadika Ahmetovića na zahtjev predsjedavajućeg Vijeća ministara BiH Nikole Špirića da Centralna izborna komisija (CIK) BiH, nakon navodne prijave anonimne grupe građana, ispita nove tvrdnje o tome da je Ahmetović u sukobu interesa.

- Sve ovo što se radi nije korektno ni prema meni, ni prema SDA - kaže Ahmetović.

Predsjednik CIK-a Branko Petrić jučer je za „Avaz“ rekao da je odmah nakon primljene prijave pokrenuta nova procedura Ahmetovićeve provjere.

- Zavisno od rezultata koje dobijemo, početkom naredne sedmice znat ćemo hoćemo li imati osnova da otvorimo postupak - kazao je Pe-

## Dugoročna šteta SNSD-u

Komentirajući situaciju u vezi s blokadom imenovanja ministra sigurnosti BiH, jedini ministar iz SDA u državnoj vladi Selmo Cikotić naglasio je da će „ovakva situacija, bez obzira na to što ona trenutno ugrožava poziciju SDA i Bošnjaka, dugoročno štetiti Srbima i SNSD-u“.

- Kada neko to prepozna, naći ćemo i rješenje koje će biti prihvatljivo za sve - smatra Cikotić, ministar odbrane.

trić, ističući kako nije upoznat sa sadržajem anonimnog pisma protiv Ahmetovića.

S. ROŽAJAC